

小司馬奏草

小司馬草卷之四

職方

題爲暴軍離伍貽害地方將臣制御失宜

情併乞

聖明究處以振兵紀以安邊徼事案呈到部看得兵  
科都給事中光 等總督兩廣右都御史凌 等  
具題前事爲照恩威竝用理道所先不戢自焚兵  
家所忌逃兵江子德等九百名雖係撫民皆一時  
糾聚烏合之衆素無紀律節制頑悍輕剽相習成  
風即使處置得宜尚難禁其暴掠况以黃道等撫

馭無恩侵尅致怨且羅定之役爲日已久春深瘴  
起人各思歸其逃叛搶掠勢所必至在黃道等之  
罪固無所逃而各兵叛搶情尤可惡科臣撫按之  
論俱屬詳明無容再議但禍起有因法嚴首惡守  
備黃道本以小人濟其貪冒畧無悛改之心終負  
使過之意茲九部朱育等罔遵紀律同惡相濟遂  
失衆心釀成大釁俱當重究亂兵人衆二首已誅  
沿途雖有擒斬逋逃尚多至于鎮守廣東總兵官  
張羅定兵備道右叅議徐稽防名詳答亦難

諉但變生意外情有可原既經諸臣叅題前來相應依擬合候

命下將黃道先行革職仍咨都察院轉行廣東巡按御史行提到官同見監把總朱甫并緝拏張九韶嚴加究問照依律例重擬限萬曆六年十一月內具奏

定奪張徐姑免罰治行令振刷以善其後見逃哨官童子雲等及逃散各兵咨行兩廣總督并福建巡撫衙門通行原籍挨查明白果係倡首叛歸

及沿途殺人得財指實擒拿依律處斬其有一時  
思歸附和隨行不曾得財殺人者照軍法細打或  
矜其愚頑悉從寬宥不必過爲忿疾好殺傷仁其  
被虜人口及地方功罪員役仍聽總督巡按會查  
明白分別議處遺下守備員缺本部查選推補耳  
照羅旁諸賊梗化有年乃今興師討罪旣已歸心  
卽宜還定安集以廣招徠不必草薶禽獮勞兵久  
駐有妨農功其各哨兵士多係招集之徒尤當通  
行申飭各大小將領等官嚴明號令寬示優恤依

期放還如有奸狡倡亂者密行訪拿照依軍法斬  
首梟示毋得姑息有損威重再查閩廣各寨撫民  
雖已歸正終懷野心投充應募撫禦實難併候

命下移文二省督撫將各處撫民止當招徠安插使  
之樂業非有大舉不得輕聽報效輒行調遣恣令  
殘賊貽害地方違者叅究施行等因萬曆六年四  
月初五日具題初七日奉

聖旨黃道華了職并朱甫張九韶都着巡按御史提  
問具奏哨官童子雲等并倡首逃兵及沿途作歹的

倉凌雲翼劉恩問挨籍嚴拿正法其隨逃無別過犯的姑准寬宥今後閩廣撫民止着安插生業不論大小征進俱不許募調張元勲徐汝陽免究着策勵振飭其餘依擬行欽此

題爲敷陳防虜事宜以圖保安邊疆事案呈到部  
看得陝西總督董 其肅巡撫侯 題稱虜王西  
來悉從其鎮境上乞要分兵設伏及稱果止迎佛  
入海必由東中西三路莊浪鎮羗涼州水泉兒其  
州扁都口經過肅州兵備武 與叅將姜顯宗等  
官軍留鎮嘉峪迤西諸夷西寧兵備董 并遊擊  
管叅將事蕭文奎等官軍留守西海駐虜俱不可  
離信地其州副總兵統奇兵營官軍駐劄古浪所  
鎮守甘肅總兵官統正兵營官軍駐劄涼州衛撫



臣帶標下遊擊官軍駐劄永昌衛各相機協助該  
道副使殷 參議張 少卿馬 督率大小將領  
李駒等各統官軍隨便向往左右策應如復讎瓦  
剌則必由涼州鎮番永昌寧遠甘州高臺鎮夷肅  
州嘉峪關過自賀蘭山西下必至涼州境外甘州  
副總兵卽至永寧同涼州副總兵鎮番永昌各叅  
將督同寧遠石碛一帶守操等官總兵官移駐山  
丹督同本處及平川一帶將領等官各隨虜防範  
沿途所過墩堡標下遊擊仍駐鎮城以防甘州後

山西路兵馬太弱虜王一過甘州而西其東原設  
按伏各官軍宜尾其後以備應援涼州副總兵移  
駐永昌甘州副總兵移駐古城總兵官移駐鎮夷  
撫臣帶標下遊擊移駐高臺嘉峪關守備兵力不  
及仍須肅州叅將量分兵馬相兼防守如虜久駐  
關外叅將兵馬一半留該道護守衛城一半隨叅  
將移駐嘉峪關協助前後策應軍門帶領標兵或  
駐莊浪或駐蘭州隨便調度仍禁約海虜套虜軍  
民番族不得交通如有強拘則差宣大熟識官通

示以禮法至于撫處隄備一切未盡事宜臨時酌  
處各一節爲照俺荅西行部落頗衆戎狄貪詐乃  
其恒情無論迎佛復讎在我當嚴隄備所擬撫禦  
事宜節該諸臣建白俱經部覆有行今該鎮督撫  
酌量地里衝緩兵勢强弱分布設伏畫地防守至  
於禁約交通曉示恩信俱爲得策所貴文武大小  
各官同心協力着實舉行之耳今據具題前因相  
應依擬恭候

命下移咨陝西總督董

其肅巡撫侯

查照原議

事理嚴督本鎮大小文武各官照依分管信地加  
意隄防應撫應禦相機行事固不可周章以損威  
重亦不宜踈略以啓弊端如有怠玩債事不奉約  
束者竝聽指名從重叅究倘虜別有請索要中茶  
馬卽便差宣大熟識官通明行曉告以茶市乃

中國待西番之市行之二百餘年虜人不得恃强  
欺壓番人侵奪市利如馬市乃北虜新欵之市其  
寧延綏各有定處行之數年賓兎等亦不得分外  
求開自失信義若虜人挾奪番人茶市則番人亦

可侵奪虜人馬市此乃自起爭端我

中國必不輕聽并將馬市亦禁不與是彼求利而  
反有害矣至於虜王會佛惟可量給茶湯以示恩  
信則本部前覆已明在督撫諸臣酌議而行惟求  
國體不失虜心不二而已如有他逞務要相機堵  
截毋得過爲疑畏再照兵難遙度將貴專謀機會  
變於斯須便宜在於閫外諸凡未盡事宜徑自臨  
期酌處固不必一一取成於千里之外以坐失事  
機也等因萬曆六年四月十一日具題十二日奉

聖旨是這撫禦事宜着該鎮總督鎮巡督率各該文武等官查照先今題覆事理協心着實舉行務保無虞毋得輕率畏徇啓釁招侮事完後仍着開具實蹟分別功罪來說欽此

題爲虜賊入犯仰仗

天威官軍奮勇堵剿大致克捷事案呈到部遼東總督撫鎮等官右都御史梁 等恭報大捷一節爲照土蠻速把亥諸酋雄據塞外睥睨遼陽春初入犯開原已遭大挫今又詐稱投降以圖報復撲殺哨夜擁衆渡河直逼塞垣挖牆深入若使先事無備迎擊不前墮虜計中地方傷殘殆不可言所幸

郊廟萃靈

神人協贊

皇威遠布

廟筭先機節奉申飭戰守該鎮文武將吏恪遵

明旨哨備加嚴陶承學等聞報先馳調集諸軍分布  
要害始拒堵于邊牆賊氣已沮繼追勦于邊外虜  
勢益孤通計斬首四百七十六級數內曾首九顆  
所獲牲畜盈甲輜重數千我兵帶傷不多陣下止  
是一名自昔三年之克聿收撻伐之勲六月之師  
用獻

中興之捷今甫爾兩月再奏奇功似此



盛美真足以上酬百王遠邁千古誠宜率循  
令典宣布捷書傳之多方以詔來世除獲功人員  
另行論叙外合候

命下移咨禮部欽天監擇日具奏遵奉

明旨祭告

郊

廟及移文鴻臚寺于

皇極門早

朝將差來人員引至

御前宣讀捷音等因萬曆六年四月十三日具題十  
五日奉

聖旨朕恭上

兩宮徽號禮成該鎮再奏奇捷此寶

天地

祖宗昭佑朕心欽感着照例宣捷仍遣官祭告

郊

廟以荅洪庥欽此

題爲狡虜撲掠熟番挾求茶市伏乞

聖明早行禁戢以保邊圉無虞事案呈到部看得兵

科都給事中光 等陝西巡按御史李 總督侍

郎董 巡撫都御史傅 各題揭稱俺答之子賓

兔率衆撲掠熟番并藏等族頭畜并岷州軍馬一

同掠去聲言草長還來洮州境外住牧挾土官投

順收服西番要在本處開中市馬欲要傳諭虜王

禁戢賓兔等會歸巢住牧不許掠番索市在科臣

則稱背盟黠傲如故整擐兵馬早爲防備在按臣

則稱追還原搶頭畜撫處等項要行當事諸臣着實遵行在督臣則稱防禦事宜隨到隨發及稱尚候查明另行各一節爲照茶市之設蓋以制馭番夷北虜素不市茶著有禁例邇來頻行求討將以啗番乃奸人揆置之謀希擅

中國之利法所當禁本部覆議甚詳奉有

成命通行禁止無容再贅所據甘肅等族俱係納馬熟番無異

中國編氓今賓兔率衆撲掠挾勢迫脅索賞請市

適雖進無所獲懊悔而歸然夷性貪狡垂涎茶市  
心實未已洮岷一帶熟番盤據草長復來之言不  
可不信防禦事宜雖該督撫多方處置已爲周密  
而先事伐謀尤所當慎所據都給事中等官光  
等題揭前來相應申飭恭候

命下移咨陝西總督董 陝西巡撫傅 甘肅巡撫

侯 查照先今所議事理傳諭虜王俺荅鈴束各  
酋首亦落堅守盟誓仍歸原巢住牧不得臨邊騷  
擾不得搶掠納馬熟番所擄彼中頭畜照數追還

馬市  
卷之四  
卽將作歹夷人照依夷令罰治仍行宣示

天朝法度申明茶市禁例不許再請如仍要挾搶番  
并將馬市亦禁不與倘有背盟實跡就便整搦兵  
馬相機戰守諸凡未盡事宜應奏

請者奏

請定奪應便宜者便宜施行再照賓兔雖稱狡猾兵  
力亦不甚強况吉能諸子爲哈刺敗殺者衆勢亦  
漸衰此會今乘俺答西行假以唬嚇番人掠取小  
利似非有包藏禍心渝盟肆侮之意訪得掠番無

獲悔悔誤聽人言失利而歸其情已太可見其欲  
待草長再來駐牧中馬之言不過張大誑衆有無  
皆不足較惟在我備之有素處之有法而已叅將  
陳守義差人與之講說亦得一時撫馭權宜之術  
况虜人求討賞勞各叅守無從處辦使司道等官  
不爲措置使之束手坐待或失事機釀成釁隙此  
則督撫諸臣所當留心不宜拘攣避嫌惜小費而  
失大利也至於熟番族類繁多受我

中國之恩二百餘年向順於虜非其本心特畏其

強耳。今我雖不能制虜使之不敢侵犯而申諭番族示以恩義令其陰相結聚聯絡固守各保身族永享茶市之利無爲強虜所搆至於沉機處置先事規畫以離間其黨虜連結之計此則運用之妙在督撫諸臣矢心協力非臣等所能遙度者也併候

命下再行申飭施行等因萬曆六年四月十四日具題十六日奉

聖旨是這防虜保番事宜都着督撫官悉心如議舉



行未盡機宜許便宜行事如虜人再索茶市併馬市  
停止不許曲徇欽此

題爲區畫分駐地方以明職掌以便責成事案呈  
到部看得巡撫福建都御史龐 巡按福建監察  
御史商 各題稱福建東偏海上地勢孤懸西北  
環山東南濱海守巡等道責任旣殊事權不一欲  
要將分守福寧道照舊駐劄興化管理該府并福  
泉二府及福寧州地方分巡武平道改爲分巡福  
寧兵備道駐劄福寧管理該州并福州府地方分  
守建寧道移駐邵武管理該府并建寧延平地方  
分巡建寧道照舊駐劄建寧管理該府并邵武延

平地方分守武平道改爲分守漳南道駐劄汀州  
管理該府并漳州地方分巡興泉道及漳南道與  
巡視海道通照舊駐劄管理不必更易其驛傳改  
屬清軍道以便巡歷鹽法增入督屯道督理各道  
原奉

勅諭先後不同卽爲改給各一節爲照八閩地方控  
連山海原設守巡等道管轄分駐各有專責顧道  
里遠近不同政務繁簡亦異必須裒益停安庶可  
便於責成除分巡興泉漳南二道及巡視海道俱

照舊管理無容再議外其餘應該更易各道捨遠就近益簡損繁區處得宜事權良便但福州見有整飭兵備副使兼分巡福寧道帶管清軍事務今既將分巡武平道改爲福寧兵巡而福州兵備未見開除原管前事亦未見明說管理清軍各道所給

勅書有坐名上請者有交代傳用者今既更易地方應令

請換與印信關防應否查改必須一一明開方可

轉爲

請給今該撫按具題前來通應議擬合候

命下將分守福寧道照舊駐劄興化管理該府并福  
泉二府及福寧州地方分巡武平道改爲分巡福  
寧兵備道駐劄福寧管理該州并福州府地方分  
守建寧道移駐邵武管理該府并建寧延平地方  
分巡建寧道兼兵備照舊駐劄建寧管理該府并  
邵武平地方分守武平道改爲分守漳南道駐劄  
汀州管理該府并漳州地方其驛傳事務改屬清

軍道鹽法事務增入督屯道各查照管理仍咨行  
福建撫按衙門轉行各道一體遵行及咨吏部知  
會其福州兵備應管事務與今改易各道應換  
勅書及應否換給印信關防仍行彼處巡撫逐一查  
明報部以憑另擬

請換施行等因萬曆六年四月十九日具題二十  
一日奉

聖旨是欽此

題爲議處脩理省城以保固重地事案呈到部省  
得巡撫福建都御史龐 巡按福建監察御史商  
各題稱閩省城垣低薄西南一帶地勢甚卑須  
增高固會城七門內外河渠不通亟宜開濬合用  
工費將萬曆五年春汛已畢之兵總兵標下客兵  
一營防守漳州土兵二營俱暫行掣放省下各兵  
餘銀共五千二百一十三兩八錢四分七釐支用脩  
理仍自萬曆六年以後每遇春防旣罷酌量地方  
緩急營兵多寡從宜掣放扣留餉銀專備脩理不

許別支及稱本省客兵皆三年一放班回籍至期  
差官調募道路煩勞各兵寅緣應募經過更多騷  
擾今萬曆五年秋汛旣畢浙兵三營例應放班先  
期下令願回者照常押回其願留者仍行點選存  
留強壯不復揀退發回不堪照舊選補其見在官  
兵至二月初一日始令支糧每兵所省約三四兩  
至於秋汛之後泉州遊兵一營在監軍道力主撤  
放帶管分巡興泉道及該府掌印海防官堅意請  
留皆持議不動其所省餉銀以漸存積城池之工



皆可兼舉又查萬曆五年九海防上裁減兵船革  
去協總及省差官募兵一切冗費不下萬金行該  
司將支用存貯數目明立案籍以備稽查各一節  
爲照八閩重地距山瀕海省會城郭委應脩葺合  
用工費錢糧取之節省兵餉區畫已詳無容別議  
其泉州遊兵一營在監軍則力主撤放在道府則  
堅意請留各持一端尚屬未定但據該省海防最  
爲緊要若使水陸有備撤兵省費最爲得策如果  
兵力單弱防守未敷又不宜務爲節省有妨保障

顧事在彼中本部遽難遙斷相應通行議擬合候  
命下移咨福建新任巡撫都御史劉 查照所議事  
理自萬曆六年以後每遇春汛既畢如果地方無  
事聽將前項營兵酌量緩急兵數多寡從宜掣放  
扣留餉銀存貯省庫專備脩理會城之用不許別  
項動支仍行該布政司將支用數目明白造冊登  
註案籍以備稽查其泉州遊兵一營再行從長計  
處如果當撤將扣省餉銀備脩城池如不可撤仍  
照舊存留以資緩急議定徑自施行等因萬曆六

年四月十九日具題二十一日奉

聖旨是欽此

題爲土官橫悖已極法紀難容懇乞

聖明亟賜議處以洩公憤以安邊徼事案呈到部看  
得巡按廣西監察御史孫 題稱南丹州土官莫  
之厚侵越土地虐劉人民逋負

國稅冒破兵餉迹類背叛惡浮盜賊要行督撫相  
機剪除如其束身就縛猶許其子世官倘或執迷  
抗拒曉諭族目并各土州有能設法擒獻者許襲  
其官職分其土地一節爲照土官莫之厚世受  
國恩不思竭誠圖報乃敢恣肆猖狂自干法紀所

據前項情罪委不可原卽今兵威大振蠢茲夷酋  
滅之何難但聲罪致討

王師之義脩辭播告懷遠之仁不妨先行訓誥諭  
令改圖若使稔惡不悛加以誅戮亦似非晚旣該  
巡按御史具題前來係干夷情相應議擬合候

命下本部移咨總督兩廣右都御史凌 及咨巡撫  
廣西右副都御史吳 查照今題事理會行查勘  
土官莫之厚前事果係頑悍兇虐侵擾地方先遣  
旗牌官明行曉告發其罪狀示以寬恩責令改過

自新以贖前罪如果俛首聽命歸還侵占待以不死若復仍前桀驁非兵不克然後另議奏

請聲明罪狀削除官職追奪印信治其渠魁撫其脅從仍動調附近土漢官兵密行擒剿顧夷情不一兵勢亦殊本會之罪固不可赦而地方奸詭之徒有往來交通啓釁召禍者亦當併查若本會果自作孽法所必誅若或被人撥唆構訐抑鬱其情不能自達致其懷憤生亂則又當體諒申理先誅其誘訐之人使之得其平而心自服或可不煩兵而

定矣其中一應撫治未盡事機本部難以遥度悉  
聽總督撫巡會同區處具

奏定奪等因萬曆六年四月二十七日具題二十九  
日奉

聖旨是欽此

題爲暫免班操扣解價銀以資工費事案呈到部  
看得宣大督撫鎮官右侍郎吳 等題稱河南赴  
班官軍三年限滿本鎮工程未完及脩置器械應  
用并鹽菜銀兩仰給不貲乞要照前節次題

准事理再免三年扣價解邊以備脩工置器一節  
爲照班軍戍邊名爲備禦建置初意良有遠圖非  
欲故煩內地糜費軍餉也近自欵貢以來版築興  
作所給不敷且中土班軍素稱脆弱驅之從軍無  
裨戰守折價助工頗稱兩便今旣各工未完尚須



仰給扣價所據該鎮比例題

請再扣三年委於脩守有裨相應依擬合候

命下移咨河南巡撫都御史會同巡按御史將該省  
春秋兩班備禦官軍自萬曆六年六月初一日爲  
始至萬曆九年五月終止再行免班三年查扣價  
銀併追節年拖欠數目差的當官員解赴宣府巡  
撫衙門收貯以備脩工支剩銀兩留造軍器等項  
不許別項支銷其支用數目每年聽巡按御史併  
三年閱視大臣通行稽查至萬曆九年六月以後

再行查議等因萬曆六年五月初九日具題十一  
日奉

聖旨是欽此

題爲議留邊官以便撫夷事案呈到部看得薊鎮  
督撫官右都御史梁 等題據總兵官戚繼光呈  
稱該鎮白馬關夷情頗劇又近渤海所募田峪地  
方事關

陵寢最爲喫緊提調郭珍雖非通才臨事謹慎夷心  
深服代者恐難得人乞要將本官改以遊擊職銜  
仍管該關事務合用供應查照遊擊一體議給仍  
聽石塘路叅將節制一節查得郭珍于萬曆元年  
抗陞本關提調歷任五年之上曾經峇保別無過

舉量加陞用已將新科武舉王惟一等題請

簡命一員代補遵奉

欽點劄令到任管事去後今據總兵官戚繼光具呈  
督撫前因查得該鎮各官貪戀地方不願別移巧  
於鑽附牢不可破但據稱本官職在撫夷與別項  
委用不同既經該鎮督撫具題前來姑從依擬但  
京營佐擊勞苦獨多至于關隘將領必其積有勤  
勞著有卓異方得加銜管事郭珍旣非通才又避  
勞就逸應照舊提調難以加銜合候

命下將郭珍以原官提調白馬關事務新任提調王  
惟一繳劄回衛聽政別用其神樞九營佐擊將軍  
員缺本部另行推補等因萬曆六年五月十八日  
具題二十日奉  
聖旨是欽此

題爲議處脩工未用帑銀以便清查事案呈到部  
看得遼東總督撫鎮官右都御史梁 等題稱寧  
前見脩臺牆工大難完委宜停止欲候今年永安  
堡殘工脩完先將寧前應脩衝要邊臺一十九座  
以萬曆七年爲始調寧前叅遊二營步軍二千四  
百餘名每年共脩臺六座計三年可完壕塹城堡  
遇有坍塌隨時濬葺俟邊臺工完再查應脩工程  
挨次舉脩其做工軍夫除挑壕者不議口糧外脩  
臺者每名日給米一升五合鹽菜銀三釐於南衛

夫丁銀內支用其部發馬價銀三萬兩照舊貯庫  
聽候支銷防工兵馬除千總李元善一枝兵不滿  
千掣回廣寧聽總兵官簡練以備東西調援領兵  
遊擊楊五典右營遊擊王大璋各兵馬分駐寧前  
防工通候臺工完日并用過錢糧造冊聽閱視賞  
罰各一節爲照寧前見脩臺牆工鉅費多難以責  
成旦夕先該總督撫鎮各官具題暫行停止改築  
衝要邊臺一十九座期以三年可完本部覆奉

欽依行令再將應脩城堡從長計議去後乃今總督

撫鎮官梁等具題前因覆行該道再四勘議謂  
欲脩大牆則財力未給沿壕築壘則土性不宜仍  
如該道所擬止脩緊要邊臺一十九座反覆計議  
不啻再三似于人情土俗安妥可行相應依擬但  
遼鎮連年征戰士不解甲頻值饑饉田地拋荒軍  
士脩工財力俱苦所議鹽菜銀三釐似爲太少相  
應增至五釐庶可少濟合候

命革移咨該鎮督撫諸臣轉行鎮守及該道將領等  
官查照今議事理俟今年永安堡見脩工程完日



將寧前小團山鐵場等處添脩邊臺一十九座自  
萬曆七年爲始調集叅遊二營無馬步軍二千四  
百餘名分投脩築每年共完臺六座限以三年通  
完務期堅固足堪防禦至于重壕二道各軍不加  
口糧亦要挑濬深濶以阻零騎出沒其脩臺軍夫  
合用糧米鹽菜銀兩俱於夫丁銀內動支如有不  
敷聽于馬價三萬兩內接支防工兵馬除千總李  
元善一枝掣回廣寧外其遊擊楊五典王大璋二  
營令其分駐寧前適中調度防脩邊工兼備東西

有警應援每年終之日將脩完臺座用過銀糧數  
目聽巡按御史覈勘明實造冊奏繳青冊送部查  
考仍聽大臣閱視施行本部原發馬價銀三萬兩  
除接支外存剩之數收貯廣寧庫內聽候脩工緊  
急

請明支用不許別項挪移借支再照備邊乘塞守  
重于戰所擬始議工程規模太遠財力俱拙勢終  
難完故再行查議期在破去舊套務求實效若使  
觀望意向依違遷就則好脩與不脩其弊等耳又

非人臣矢志封疆之義也今後臺工完日果有該  
舉之工不妨再擇緊急處所有資保障者另議脩  
築次第舉行庶于防守有備等因萬曆六年六月  
十二日具題十四日奉

聖旨依議行欽此

題爲承平日久邊備漸弛懇乞

聖明乘時破格議處以資戰守以肅疆場事職方清吏司案呈到部看得山西督撫官侍郎吳 等會題後開布兵馬等七事先該撫臣高 條陳一十二事除覆議五事已經允行外數內軍馬更選地里因革工作錢糧計慮宜屆本部覆行會勘今據督撫官會議前題酌工役之大小審時日之後先刻筭程期分派鹽菜處置詳明委屬停妥相應依擬便于責成合就開立前件覆議上

請定奪

計開

一布兵馬以資訓練

前件會議本鎮自奇兵營以下各營分撥軍馬  
內同城者徑撥該管離遠者就于各堡另委  
把總一員平居訓練有事調征撫院標兵赴  
邊防秋之日比照振武衛軍量增月糧總兵  
標下以都指揮劉縉國加守備職銜分管委  
於軍情事體兩便令無咨行山西督撫衙門

各照原議遵行其總兵標下大同右衛都指揮劉縉國雖查將材向無紀錄旣經該鎮題堪委用合應量加守備職銜分管標兵本部給劄行令欽遵管事伏候

聖裁

一議駐守以據要害

前件會議將賈家一堡仍舊駐守其滑石澗堡地係極衝凡收斂防禦必須重其責任便于督成欲要革去防守委官另設守備一員以

重事權應增兵數聽該道陸續募補因革俱  
當合無咨行山西督撫衙門照議施行其滑  
石澗堡添設守備本部另行推補定擬責任  
行令赴任管事伏候

聖裁

一精器械以杜軍威

前件會議本鎮各營合用明甲共七千三百八  
十九副各軍臂手共六千九百七十四副量  
加工食俱各停妥合無咨行山西督撫衙門

轉行各道督同叅將等官將前項衣械照議  
支給銀兩如法製造仍嚴禁科派剋減諸弊  
伏候

聖裁

一葺墩堡以便收斂

前件會議停止無益墩臺其砂澗驛大營屯黑  
乾塔屯各應葺脩土堡一座中莊屯改築山  
寨一座伏連坊展脩土堡一座委於軍民防  
守有益合無咨行山西督撫衙門將前項應



脩應築堡寨合用錢糧悉如所議施行伏候

聖裁

一濬壕塹以設險阻

前件會議將寧武等三道所屬沿邊壕塹待各路大工完日另行脩舉

請發錢糧緩急得宜施爲有序合無咨行山西督撫衙門照議施行伏候

聖裁

一脩邊城以嚴保障

前件會議將岢嵐道所屬應脩老營等五城堡  
寧武道所屬陽方口西河馬頭起至小紅溝  
止應土築邊牆鴈平道所屬盤道梁界自火  
燒梁起王野梁止應脩築邊牆一道古計溝  
築土堡一座皆係脩險固邊至計合無咨行  
山西督撫衙門將前項應脩工程合用匠役  
軍壯口糧鹽菜及各工脩完期限悉如所擬  
每年終將脩過工程丈尺用過錢糧數目明  
白奏報以憑查覈伏候

聖裁

查錢糧以計盈縮

前件卷查先該山西撫臣高 題議脩邊等項

銀兩已經本部覆議合無將無礙官銀止給  
二萬兩其不足者仍候會計停妥估筭明白  
於積下客餉內量支再有不足不妨照例題  
請戶七兵三事例給發題奉

欽依通行欽遵去後今據會議三道合用明甲臂手  
物料礮藥鹽菜等銀共五萬九千三百二十

兩八錢七分五釐合用買米銀共五萬七千六百三十七兩七錢二釐九毫九忽通共該銀一十一萬六千九百五十八兩五錢七分七釐九毫九忽查照前議于本省無礙銀內動支二萬兩存積客餉銀內動支五萬兩仍該銀四萬六千九百五十八兩五錢七分七釐九毫九忽查照節年脩邊事規戶七兵三如數給發相應依擬合無咨行山西督撫衙門將本省無礙銀并存積客餉內如數動支

收買礮藥明甲臂手物料共七千八百九十  
四兩三分五釐其餘俱發脩葺邊城屯堡等  
項工食支用其尚少銀四萬六千九百五十  
八兩五錢七分七釐九毫九忽合照脩邊戶  
七兵三事例計筭在兵部該出銀一萬四千  
八十七兩五錢七分三釐三毫七絲二忽七  
微剗行太僕寺於庫貯馬價內動支在戶部  
該出銀三萬二千八百七十一兩四釐五毫  
三絲六忽三微移咨戶部徑自查發仍各將

前項銀兩分派一半于六年七年兩次差官  
解赴山西巡撫衙門轉發工所應用候各工  
通完之日將用過錢糧備造文冊類行

奏繳并造青冊咨送戶兵二部以憑查考伏候  
聖裁等因萬曆六年六月十四日具題十六日奉  
聖旨該鎮脩防事宜旣覆勘停當都依議行欽此

題爲秋防屆期預飭戰守機宜祛積習以隆安攘  
事案呈到部看得邊關形勝戰守事宜節奉

明旨仰承

廟謨及言官敷陳本部題覆該鎮督撫官員分布調  
遣諄且密矣但西虜納貢開市則宣大山陝似各  
稍安而會長西行屯聚部落約束爲難凍虜連遭  
挫折則薊昌遼保僅若息肩而耻憤日深不忘報  
復屬夷煽誘時蓄異圖旣經該司據例呈來相應

題

請申飭恭候

命下本部馬上移文各邊督撫衙門即便轉行各該  
兵道及總兵副叅遊守等官查照先今申飭事理  
務要整練人馬加意隄防嚴行哨探鼓舞將領優  
恤軍士移檄各路分地固守沉機待變互相應援  
破相習之故套運審勢之權宜共保寧戢以圖萬  
全其在宣大山西貢市處所務要照例撫賞而中  
存限制依期貿易而曲示調停至于會長遠行部  
落渙散必處置得宜使携貳不生防禦嚴密使變



動無擾毋怠忽以忘備毋因循以養釁因微察著  
念始慮終善之善者也其在陝西四鎮虜旣西逾  
其涼則延寧兩路似亦無虞然防禦策援皆當有  
備今據督撫揭開順義直抵西海往掠瓦喇未有  
定期計其東歸尚需歲月雖老酋感德可保無他  
而所部人衆釁隙易生東歸之日尤當隄備勒兵  
守險宣恩布信使威不可犯惠必有終此其要也  
其在薊昌連年脩築似無遺力藩籬雖設守護未  
周况東虜之窺伺未忘屬夷之反側難定南兵狃

于驕逸衛兵困于脩工平居視之若有餘緩急用之恐不足如前年古北鴉鵂之踈失近日青會土蠻之縱橫長昂狐狸之詭譎不可不深思熟計者也其在遼東則終歲當虜四時皆防耻憤日增志在求逞該鎮屢獲首功不可恃其常勝不可信其求和審量彼已斟酌虛實防彼誘伏戒我輕貪分犯則按兵各守衆入則併力合攻此爲要矣如真保則鳩集壯勇謹守關隘以備應援其固則輯撫兇番離其交構以固藩蔽皆所當加意者也再照

先事申飭樞帥之任當機運用閫外之責况兵不  
可以遙度機亦難以預定臣等又查得節年秋防  
本部該科雖再三申明而各鎮亦各有分布兵馬  
緣由具奏其事非不詳且備也然行之既久頗成  
虛套有不可不改圖者蓋分布之說始自嘉靖之  
季虜寇頻仍防守無虛日當時諸臣始畫分布策  
應之謀乃一時揣摩之見非可久之事也二十年  
來每遇秋期拘泥成案止將兵將地方姓名數目  
畧爲更易具之簡牘上陳呈報以爲觀聽其於虜

情之虛實將士之勇怯地方之險易茫然無據且  
文移布告彼此喧傳實事未舉虛聲先露縱使果  
中機宜已屬不密不惟不可以禦虜而或反爲虜  
人所窺矣况今虜勢比之先年旣已不同而我防  
禦之機亦當隨時而異自今以後合無將節年分  
派舊套通行除革惟行督撫每遇秋防之時各將  
所轄正奇叅遊諸營兵馬預先整擷開具某營堪  
戰馬軍若干步軍若干弓矢若干副甲冑若干領  
兵仗火銃鎗炮各若干件所駐城堡糧料各若干

石草若干束足支幾日之用簡明數目各具奏

聞并揭報本部查考其各營兵馬卽令該管將領  
照依原定分守駐劄地方就便教習操演然虜無  
侵犯則軍無調遣較閱之法不可不嚴各總兵官  
當七月之中宜親詣各營會同各該兵備司道將  
各營人馬逐一較閱城池逐一審視明其功罪嚴行  
賞罰不得安坐鎮城合管調操徒滋勞擾其各將  
領有怠廢職業營務不脩科害軍士才力庸懦者  
指實呈報督撫查明卽行叅革究治毋俟防畢致

令苟延債事總兵官出入操閱所帶本營兵馬少止三百多止五畜准其經過城堡按日支給糧草其以他事私行不得一槩冒支萬一虜有變動一應調度戰守因其勢之緩急地之遠近賊之多寡兵之強弱以爲進止攻守應援按伏方略悉聽總督撫鎮諸臣矢心協力設謀出奇克敵收功以保疆圉本部旣不能遙授亦不敢中制各該諸臣旣得以展布忠猷不能他委叅遊守操等官亦不得藉口分布已定不敢擅離之說以爲推奸避事之

計如是則督撫鎮守之能否功罪可據而定歷年之彌文可革將來之實效漸臻矣併乞

聖明裁定容

臣

等一體通行各邊鎮督撫總兵文武

等官欽遵施行等因萬曆六年六月二十一日具

題二十三日奉

聖旨是節年分布秋防委多沿襲虛套無裨戰守依擬着各總督鎮巡等官悉照今次所議事理一一舉行務臻實效毋得因循推諉徒事彌文欽此欽遵抄捧到部爲照邊事軍情隨時變易道里之險夷難

易虜勢之緩急堅瑕有不可以執一論者所據防  
期已近本部題議破除舊套使諸將得臨機應變  
展布忠猷無拘牽牽制之患今奉

明旨省實舉行是在各鎮便宜斟酌之耳且虜情之  
在昔時者既與今日不同制馭之在今日者自與  
往時有異其有昔衝今緩昔重今輕者不妨量爲  
裁省以補別之不足昔緩今衝昔輕今重者不妨  
曲爲增添以就此之有餘其正副叅遊各營兵馬  
器械芻糧止查見在總數送總督衙門類造簡明



方冊同本具奏如有不足應議給者卽行請給應撥補者卽行撥補毋得因循致誤事機仍自萬曆七年以後每歲入夏之時各鎮會同各該總兵等官查照題行事理預爲計筭照例奏

聞永爲遵守擬合通行爲此合咨前去煩照本部題議

欽依事理轉行總副兵備叅遊守等官一體欽遵施行

計開查造冊式

該鎮某路某營實在堪戰馬軍若干 步軍  
若干 盔甲臂手若干 弓箭若干 火器  
若干 刀仗器械若干  
所轄城堡實在糧若干 料若干 草若干

題爲竭愚衷廣

德意以

光聖政以飭吏治事案呈到部看得戶部咨開南  
京貴州道試監察御史王 奏稱衛封疆一事大  
率謂欲衛城郭在練民兵要行撫按官令各州縣  
凡遇編審民兵務選精壯時加訓練稽閱賞罰別  
項公役嚴行禁止欲衛鄉村在嚴保甲要行撫按  
官令各掌印官挨戶編審論其產業以爲編次輪  
流巡邏互相覺察至謂沿邊沿海各處撫禦防守

事宜尤爲最急各一節爲照保甲之法家自爲守人自爲衛自古稱善保護鄉落莫過于此至于沿邊沿海防禦事宜屢經建議業已通行但恐人情易玩不妨頻加申飭至于土著民兵各有額設惟在簡選壯勇訓練以時明其賞罰免其雜差庶有實用旣該御史王 具題前來相應依擬合候

命下通行各撫按行令各該州縣一應民兵各照地方原額仍隨土俗所宜惟是編審之時務要揀選精壯報名在冊給與工食行委該管官員時加訓

練較閱藝能分別賞罰專督巡警停免雜差俱照  
所議看實舉行其餘保甲邊海防禦事宜仍再通  
行申飭查照先今事理施行等因萬曆六年六月  
二十六日具題二十八日奉

聖旨是欽此

題爲條議

國家重大事務懇乞

聖明及時經理以保泰治事職方清吏司案呈到部  
看得南京福建道試監察御史王 題陳三事除  
宗藩漕河二事聽別部徑自議覆外其議虜市一  
款大率謂西鎮貢市當備不虞各鎮兵額缺少相  
應增募新兵所給工食比照南兵稍減各兵或集  
京師或併隣鎮或練附近州縣俾虜不疑可以轉  
弱爲強服番制虜乞要通行該鎮悉心布置各一

節爲照安邊制虜所重在兵戍卒京軍每患不足  
邇自欵貢以來京營各鎮勾補逃亡收召義勇

禁衛漸充邊防稍備選鋒家丁亦每增糧益餉京  
邊班操間亦折銀募充至於宣大市場處所乃在  
鎮城遠郊惟是開市之時設伏軍士以防不虞其  
餘兵馬分布信地及各該營伍操練與虜本不相  
聞所擬具題前因似亦大同小異但居安忘危兵  
家所忌所在揚兵振旅固所以奪虜之氣而沉機  
密謀誠不可示虜以疑委當外示羈縻時加訓練

嚴夷夏之防審強弱之勢足京軍以振居重之權  
練民兵以爲先事之具簡召客兵增給衣糧制虜  
輯番莫善于此至于所稱優養壯勇免其雜差嚴  
行操演及申明市禁尤爲確論相應依擬通行九  
邊合候

命下移文各鎮督撫衙門卽便轉行各該兵備將領  
等官嚴加申飭查照先今事理欽遵施行等因萬  
曆六年六月二十七日具題二十九日奉

聖旨是欽此



題爲仰仗

天威剿平經奏劇賊大除民患恭

報全捷事案呈到部看得總督兩廣右都御史凌

巡撫廣西右副都御史吳 各題稱漢土官兵征

剿過廣西河池哱咳北三等巢徭賊共計擒斬首

從賊人賊級四千八百四十名顆俘獲賊屬三千

二百五十六名口奪獲牛馬一千二百五十二頭

匹賊仗二千五百一十四件搜獲指揮應襲吳奇

親供一張恢復民屯田糧一千二百餘石招撫過

北五八寨東歐等峒共一百八十二村種人韋扶  
妖韋公良等四千餘徒除生擒各賊審明就近處  
決梟示斬獲功級聽巡按御史紀覈賊屬馬牛器  
械給收及行該道議設善後營堡河池責令東蘭  
州官自出兵耕守哂咳責令土官黃如金韋觀恢  
復土司領兵屯劄北三責令遷江所土官黃祐黃  
鉦土舍黃登庸各集甲兵分屯耕復舊地所擬効  
勞文武諸臣功叙各一節爲照百粵之地猺獞雜  
居在東則羅旁諸山夙稱盜窟在西則右江各寨

素爲賊巢行劫逞兇逆節比著去歲東征凱奏尤  
慮善後之難今春西討兵興未卜經始之畧所賴  
天錫休加

聖武昭布六服承德四征弗庭師出有名所向皆捷  
而兩鎮官員諸路將吏祇若

廟謨恪遵勝筭懸經旁破竹之後則談官分職處置  
咸宜察右注危密之形則僉將出師剿撫已定除  
前儘提督殷 漸任巡撫郭 先事發謀及監察  
御史孫 同心共濟例不槩叙外如總督兩廣右

都御史兼兵部左侍郎凌 聲振百蠻威行兩省  
區畫之善甫畢而東剿除之勲再樹于右底定南  
服功略無雙及查本官先以羅旁報捷遵奉

明旨廕一子與做錦衣衛副千戶巡撫廣西右副都  
御史吳 先事密謀當機果斷分布戎兵督策進  
止師行以律所自有功北山凱績此爲最先其在  
廣西文武各官間道出奇併力合擊殲俘逆黨安  
插諸巢前後擒斬已逾八千歸復土田不啻萬頃  
畢智竭力則有若副使吳 今故叅將王瑞謀勇

相成獨最諸吏功當首叙內主瑞雖故功不可泯  
共贊厥成則有若副使陳參議尹參將倪中  
化先後効勞所當酌叙督理儲餉分參謀議則有  
若布政使高 等六員與其勞又有若副使周  
等四員觀其成俱當分別賞賚共事則知府鄭  
等所當分別遺錄其餘獲功官員如指揮千戶等  
官李鳳等并領哨守備主堯臣等應陞應賞并土  
官羅謙端等通候覈實另叙并土官莫之厚輩去  
冠帶仍候立功再叙此嶺西大征之捷所可紀者

也其在廣東文武各官剿撫遺孽度地居民經營  
兩縣建置四所公廨市廛兵屯并聚綜理勞瘁則  
有若原任叅政今陞按察使蔡 等提綱挈領服  
勤爲多所當陞 同心裏事則有若布政使施  
等所當厚資專理築城則有若同 等六員  
專理量田則有若通判董 等四員板築計筭心  
力俱勞均當 別陞資至于專管招撫則通判 等  
鏖搜捕餘黨則總兵張元勲均當厚資協力則副  
總兵陳璘等併當加資原任叅將吳京等所當量

員至于委官原任知事等官吳思際等應行該督撫分別獎賞仍咨吏部紀錄此嶺東善後之績所可紀者巡撫諸臣既該督撫巡按分別具題前來相應議擬合候

命下將凌 吳 重加廕叙肉凌 或照前任總督

殷 事例於先廕錦衣衛副千戶准與世襲吳

超格陞賞王端應得陞賞准與應襲兒男加錄領

給蔡 等同加陞賞陳 等量加俸級仍行厚賞

張元勲等重賞高 等通加厚賞數內王堯臣朱

文達仍候覈功優叙董繼志准令致仕胡相等以  
下五員仍咨紀錄周舜岳等併加賞賚內饒敬承  
已經吏部題覆免行起送訖其李時中等五員李  
鳳等八員并候覈功叙錄羅謙端等十一員通候  
覈實議叙仍聽廣西撫按衙門分別獎賞莫之厚  
革去冠帶俟後立功再議督撫報捷員役王倫穰  
銳准查例陞級其獲功應陞應賞人員仍咨都察  
院轉行廣西巡按御史覈勘明白照例造冊限萬  
曆六年十二月內回奏莫思際等三十一員聽兩



廣督撫廣東巡按分別獎賞仍咨吏部紀錄續後  
搜山功次聽令酌處另奏其餘如河池等處分屯  
委官善後事宜及羅旁等處丁糧差徭學校諸事  
悉如所議次第脩舉本部仍行督撫巡按行各該  
管文武等官務要敦崇簡寬無事煩促加意撫字  
曲示優容俾此迷民知有王化之樂悔其既往之  
愆庶幾前功足可永久矣臣等再查總兵官王  
時值多艱似宜從事所據督撫會題前功本官略  
無勞績委屬觀望相應議處等因萬曆六年七月

初五日具題初七日奉

聖旨兩廣平賊善後各官勞績可嘉凌雲翼先廕武職准世襲還賞銀四十兩紵絲二表裏吳文華已陞了廕一子入監讀書還賞銀三十兩紵絲二表裏吳善陞二級王瑞應襲兒男加陞二級還各賞銀二十兩蔡汝賢已陞了加俸一級徐時可等各陞一級并蔡汝賢還各賞銀十五兩陳俊等各陞俸一級賞銀十兩張元勲等各賞銀二十兩高察等各十五兩周舜岳等各八兩王世科着革任回衛其餘俱依擬欽此

題爲地方十分災荒軍民困苦懇乞

天恩破格寬恤以保衝邊事案呈到部看得戶部咨  
開遼鎮督撫官梁 等題議遼鎮邊備二事一謂  
該鎮馬匹倒死不出椿朋軍丁自行買補賠累不  
堪除將無故倒死者分別臚息酌復椿朋舊例該  
鎮徑行外惟臨陣軍士倒死馬匹責其賠馬何以  
服軍心作士氣欲要再發馬價銀二萬兩查給買  
補一謂寧前一帶日被三衛屬夷竊掠耕樵行旅  
坐受其困但各夷受賞于薊而反噬于遼欲要宣

諭各夷令其歛戢以後再逞定行問罪革賞各一  
節除酌復椿朋該鎮已行外爲照遼鎮頻歲當虜  
斬獲雖多臨陣馬匹被傷不少若使責軍賠償委  
屬不堪所議官爲買補情法俱當及查萬曆四年  
五年二次題

請馬價發過銀四萬兩本係一時權宜原非邊儲定  
額似難據以爲例但該鎮虜警不常殘害獨甚索  
之官庫則無可那移責之貧軍則重貽累害相應  
准給馬價買補至于寧前屬夷叨承撫賞世受

國恩乃今受賞于薊陰肆守遼撫置東虜罪難姑  
息尤當嚴加曉諭宣示

國威以警將來既該督撫各官會題前來相應議  
擬合候

命下劄行太僕寺動支馬價銀二萬兩差官解送遼  
東巡撫衙門交割查將戰死馬匹酌量給發軍士  
買補其無故倒死者不得一槩

請給此後亦不得援以爲例本部仍咨薊遼總督梁  
查照所議行令該道如遇撫賞三衛夷人之日

務要宣諭

朝廷恩威俾其各安分義屏絕東虜爲我藩籬恪  
守撫賞不許勾連逆黨仍前縱肆如復不悛聽該  
鎮將作歹夷人指名奏

請輕則革其撫賞重則興師問罪示不姑息然制虜  
之道雖貴於奪其氣尤當先服其心其心旣服則  
其氣自奪苟撫賞之不當其施則愛者不以爲恩  
而不得者反以爲怨所賞之物或有濫惡則虜情  
不悅得以起釁虜之所以反復而我自見其多事

未必不由于此也仍通行該道將領等官以後委  
官置買撫賞貨物務要查照價值嚴加揀選庶使  
各夷得有實用以絕弊端毋復役使私人致多尅  
落收置粗惡致失夷心違者悉聽總督撫按等官  
指名叅奏此聲一布則虜心感動所謂處置得宜  
操縱有術脩辭脩刑其機在我而無難矣其山海  
關接界寧前叅將控制內地遇有緊急合相應援  
諸凡虜情尤當密行哨探不時傳報該鎮毋得視  
爲吳越漫不相關儻行巡撫周 將該關叅將查

照所擬節制舉劾施行等因萬曆六年七月初五日具題初七日奉

聖旨該鎮旣饑疲馬乏這銀兩准給發其餘依擬欽此



題爲摘陳彌盜急務乞

賜通行嚴禁以靖江洋以護重地事案呈到部看  
得提督操江都御史胡 題稱往年湖廣黃州府  
等處置造巴河漁船六槳八槳甚至十槳十二槳  
者乘載客販江行便捷富商大賈覓裝銀兩以致  
奸徒交通潛行劫畧棄船脫逃莫可踪跡要行湖  
廣江西巡撫官行令江防兵備府縣等官一體嚴  
禁大船不過四槳小船不過二槳仍行九江等處  
抽分平官毋得槩收稅銀濫給由帖違者查究船

戶籍貫將該地方官叅治各一節爲照荆揚吳會  
長江萬里巨漚與澤易聚逋逃况多槩漁船往來  
如飛是爲出沒之利而裝載富賈尤爲誨盜之資  
以致交通舟子因緣爲奸甚或登樣置造同行肆  
劫江汴多盜寔此之由所擬

留都三百距江防禦委當嚴密今該提督操江都  
御史胡 具題前因深爲根本重慮相應依擬合  
候

命下移咨湖廣江西巡撫官令各該兵備等官出榜

曉諭計其道里立爲程限其有先時渡江約法在  
後者審實發回不許撐駕其餘嚴加禁革遵照四  
槩二槩製度成造行使仍咨兩京戶工二部行文  
九江等處抽分鈔關衙門毋得濫取船稅出給由  
帖一應盤詰處所務要多方查戢違者究治叅問  
但沿江上下不便陸行緩急時有無妨過計其有  
傳報緊要操捕兵防多槩船隻恐難一槩禁絕如  
不容已或通查各船籍記在官如或用之必須撫  
院司道給與印信牌帖編列字號大著船尾以便

識認防其詐僞付之執照仍咨該院徑自酌處應  
否施行等因萬曆六年七月初八日少保兼太子  
太保兵部尚書方 等具題初十日奉

聖旨是欽此

題爲官兵遊哨海洋遇賊血戰奮勇獲捷事案呈  
到部看得巡按浙江監察御史王 題稱查勘過  
萬曆五年四等月內倭賊乘船一犯漁山再犯大  
陳等處外洋當被各該設伏官兵督併剿捕盡絕  
兩次在陣擒斬倭首四十六名額內有名倭主第  
姪頭目船主柁工并勾倭漢人賊首十名額奪回  
被虜男子一百一十五名是的及稱帶管巡視海  
道僉事顧 台州六巡道僉事楊 先後督哨太  
收全功鎮守浙江總兵官今告病回籍李超籌等

無遺寧紹叅將徐正摧陷有賴署台金嚴叅將事  
遊擊張澡部多斬獲中軍右遊擊潘清首挫賊鋒  
均當首錄內李超雖經患病回籍尤當追叙松海  
把總王有麟等力戰有功相應紀錄內張應夢任  
和李尚忠願賞軍門標下旗牌官裘良用等衝擊  
有功相應一體給賞寧波府知府游等董督糧  
餉寧波府同知李槩等脩葺船械所當併錄又稱  
巡撫侍郎徐奠黎慈寧城申靜鯨波于海外尤  
當優以殊格特加表揚各一節爲照倭奴騷擾兩

浙積有歲年近來整頓海防動遭挫衄而貪驚成  
性大創難馴去年四等月內連艘直至漁山再至  
大陳等洋將犯內地若使防禦少疎縱令登岸沿  
海殘害何可勝言所幸該鎮撫臣先事有備號令  
嚴明分布舳艫設伏險阻鎮守海道各官聞警督  
兵奮勇剿滅殲之外洋俘斬數內有名渠魁倭主  
翁姪至十名賴尤爲奇績先因未經覈實遽難輕  
議

恩賚今該巡按御史王 查勘真確分別功次題叙

前來臣等逐一叅詳俱已允當內李超患病回籍  
已在一年之上似難叙錄外及查原任巡撫侍郎  
徐才兼文武志切安攘籌運域中功收海外所  
擬擒斬之績皆其指示之功尤宜特加優叙以勸  
將來合無恭候

命下將徐特加優異以酬懋功須等優加俸級  
仍行厚賞游等量賞併王有麟等准與紀錄張  
應夢等隊兵毛秀等一十五名弁救回被虜男子  
一百一十五名應賞官兵及陣亡被傷等項官兵



一百五十五員名通聽巡撫衙門動支布政司餉  
銀行今該道悉如今擬賞恤則例各照等第數目  
給賞優恤但

恩典出自

朝廷臣等不敢定擬伏乞

聖裁其生擒各犯苦喇肆几等六名除已監故不知  
姓名二人已經梟示外其餘四名仍咨都察院轉  
行浙江巡按御史卽便會官處決梟示具由回奏  
施行萬曆六年七月初八日具題初十日奉

聖旨是徐斌賞銀三十兩紵絲二表裏須用賔等各  
陞俸一級仍賞銀二十兩游應乾等各十兩其餘依  
擬苦喇肆凡等看便會官處決梟示欽此

題爲虜情事爲照禦戎之策戰守與撫三事雖異而續用畧同誠使撫御得宜操縱有法以守則堅以戰則勝所謂上兵伐謀功不在下也所擬北虜青把都者兄弟糾聚素稱兇強而察罕屬夷又相爲搆結旣未易撫亦未易守也頃者此酋擁衆二萬收取討孫不賴深入屬夷內地逼近邊塞勢稍張皇乃能先期告報誓稱無他恪遵訓約秋毫不犯此由

聖朝威德隆厚黠虜傾心如此其在宣大總督侍郎

吳恩信素孚既有以寢其驕志而偵探明實又

有以消其奸謀所擬明加戒諭已得攻心奪氣之

謀預行傳報尤竭同心共濟之力此撫處之功有

益于薊鎮者也薊鎮總督梁巡撫陳總兵官

戚繼光提兵據險先事預防分哨設奇沉機制變

先聲振而虜謀已伐羣力舉而邊徼無驚此防守

之功有裨于封疆者也其副總兵等官曰福等兵

備等官徐等或往來邊徼或調度軍資矢志勞

心分猷共念事雖不同爲功則一至于宣諭虜酋

駐外畜牧不得出沒近邊開端生釁敢有渝盟卽  
當閉關絕貢已經屢行曉告不啻再三今該具題  
前因仍合移文申飭伏望

皇上將吳 梁 陳 戚 重加賞賚其餘 等咨  
行吏部紀錄曰福等本部登記在簿及移咨各鎮  
申飭曉諭虜會務遵約束施行但

恩典出自

朝廷 臣等未敢擅擬伏乞

聖裁等因萬曆六年七月十一日具題十三日奉

聖旨是吳允屢次偵報虜情多設方略使薊鎮得預  
爲戒備邊境輯寧特賞大紅飛魚紵絲衣一襲銀三  
十兩以旌首功梁夢龍陳道基戚繼光各賞銀三十  
兩紵絲二表裏欽此

題爲酌議脩守機宜以裨安懷事案呈到部看得  
薊鎮總督右都御史梁 題稱薊昌二鎮脩守機  
宜當議有三除議錢糧一事聽戶部議覆外一議  
工程則謂薊鎮一十二路古北口爲要昌鎮三路  
黃花鎮爲要其餘俱次之擬於三年內先將兩路  
臺堦偏坡及各路緊要者脩完至萬曆九年或於  
春秋兩防後奏報歇工嗣後每歇三年脩工三年  
勞逸更番似爲長策一議勸懲則謂該鎮設險爲  
守工程浩大叙勞官員乞與宣大貢市遼東戰伐

均當優叙明歲暫停大臣閱視待三年工完聽將  
十年以來擬議脩工蹟勞顯著及誤事有罪各官  
分別具題候

欽差大臣或

特差風力科道閱視明實議

請陞廕賞罰後每三年工完照例叙論一次其總兵  
官戚繼光楊四畏年勞備極兼事脩守更乞優加  
陞廕各一節爲照薊昌二鎮內護

陵京外隣夷虜以守爲戰脩築爲先近歲建議脩築



臺牆剗削偏坡正欲扼塞險衝保障封守不謂版  
築頻興財力俱困主兵日疲客兵坐累功無完日  
軍無息肩當爲限節優卹誠有如督臣所言者內  
除萬曆五年該鎮冊報古北口脩完臺墩一十六  
座牆七百三十八丈零黃花鎮脩完牆八百二十  
九丈五尺其餘未完尚多委不可緩今據所議先  
將古北口黃花鎮及各路緊要牆臺儘今三年脩  
完正與本部原題急所當急先所當先初議相合  
其餘可後可緩者以次增築三年遞歇三年遞脩

造其勞逸悅道使人無訕于此再查近  
奉

聖旨止因薦剡頻煩收錄多濫

天語丁寧端有所謂若乃事體重大未嘗一槩停董  
如使在工官員勤于興作功勞昭著何殊戰守今  
後各工報完之日仍宜論叙照例通行巡按御史  
勘報不必更特差官至于

欽遣閱視大臣例該三年一差則又稽查八事不特  
邊堡一端遽難議止其總兵官戚繼光楊四畏年

勞久著通侯論功之日再叙合侯

命下備行薊鎮總督巡撫查照先今題議事理轉行  
總兵及各該兵備將領等官卽將薊鎮先自古北  
口昌鎮自黃花鎮及各路首衝極壞緊要臺牆偏  
坡等項工程儘今三年之內通行脩砌如式務求  
堅固足堪保障脩完量行停止少示休息以後年  
分遊脩通歇更番循環每三年工完之日聽督撫  
官將効勞人員分別罪具奏其總兵官通叙前

議  
用過錢糧有無冒破脩過

工程乃名堅固  
處按御史一併覈實覆  
請定奪其餘候

欽差大臣至日閱視施行每年終仍聽衙門遵照吏  
部具題

新旨造簡明總數文冊咨報以憑查考等因萬曆六  
年七月二十七日具題二十九日奉

聖旨依議行欽此